



Broj: 876/25

Datum: 11.04.2025. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 851/25 od 08.04.2025. godine, direktor JP „LOKOM“ d.o.o. Sarajevo, **d o n o s i**

O D L U K U

O IZBORU NAJPOVOLJNIJEG PONUDAČA

Član 1.

Prihvata se preporuka Komisije za provođenje postupka javne nabavke i okvirni sporazum za nabavku usluga objave oglasa u službenim glasilima i usluga objave javnih oglasa i drugih akata u dnevnim novinama – **LOT 2 - Usluge objave javnih oglasa i drugih akata u dnevnim novinama**, na period od tri godine, dodjeljuje se ponuđaču: Avaz-roto press d.o.o. Sarajevo sa sjedištem u Sarajevu na adresi Tešanjaska br. 24a sa cijenom ponude u iznosu od 18.602,07 KM bez PDV-a, odnosno 21.764,42 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 5 (pet) dana od dana prijema iste.

O b r a z l o ž e n j e

Postupak za javnu nabavku usluga objave oglasa u službenim glasilima i usluga objave javnih oglasa i drugih akata u dnevnim novinama, putem konkurentskog zahtjeva za dostavu ponuda, pokrenut je Odlukom o pokretanju postupka javne nabavke br. 631/25 od 10.03.2025. godine.

Ukupna procijenjena vrijednost javne nabavke iznosi 48.949,50 KM bez PDV-a.

Shodno članu 16. Zakona o javnim nabavkama predmetni postupak javne nabavke je podijeljen na 2 (dva) lota, i to: LOT 1 – Usluge objave oglasa u službenim glasilima BiH, Federacije BiH i Kantona Sarajevo i LOT 2 – Usluge objave javnih oglasa i drugih akata u dnevnim novinama. Procijenjena vrijednost javne nabavke za LOT 2 iznosi 18.632,00 KM bez PDV-a.

Obavještenje o nabavci i tenderska dokumentacija su objavljeni na Portalu javnih nabavki dana 13.03.2025. godine u 15:26 sati pod brojem: 269-7-2-44-3-55/25, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 17/25 dana: 21.03.2025. godine.

Komisija za provođenje postupka javne nabavke imenovana je Rješenjem broj: 632/25 od 10.03.2025. godine.

Protekom zakonskog roka za dostavljanje ponuda, Zapisnikom o zaprimanju ponuda, broj: 728/25 od 25.03.2025. godine i Zapisnikom o otvaranju ponuda, broj: 729/25 od 25.03.2025. godine,



konstatovano je da su blagovremeno zaprimljene dvije ponude za LOT 2, i to ponuđača: O Media d.o.o. Sarajevo i Avaz-roto press d.o.o. Sarajevo, te da nije bilo neblagovremenih ponuda.

Nadalje, u skladu sa članom 65. Zakona o javnim nabavkama, Komisija je pristupila pregledu i ocjeni ponuda, što je konstatovano u Zapisniku o pregledu i ocjeni ponuda broj: 851/25 od 08.04.2025. godine, koji je sastavni dio ove Odluke.

U okviru svojih nadležnosti i ovlaštenja u postupku pregleda, ocjene i analize pristiglih ponuda, Komisija za nabavke je ponudu ponuđača O Media d.o.o. Sarajevo odbacila kao nepravilnu, iz sljedećih razloga:

- Uvidom u ponudu ponuđača O Media d.o.o. Sarajevo Komisija je ustanovila da ponuda nije potpisana svojeručnim potpisom lica ovlaštenog za potpisivanje, već je ista potpisana faksimilom Armina Selimovića, direktora firme O Media d.o.o. Sarajevo, pri čemu je ponuđač postupio suprotno zahtjevima iz tačke 4.1.1. tenderske dokumentacije u kojoj je navedeno da *u svrhu potpisivanja bilo kojeg sadržaja ponude nije dozvoljena upotreba faksimila-slika potpisa ili pečata. Svi sadržaji ponude gdje je to traženo se potpisuju svojeručnim potpisom lica ovlaštenog za potpisivanje (faksimilom se smatra i skeniran potpis pohranjen u računaru koji se štampa zajedno sa dokumentom)* i tačke 4.2.2. u kojoj se navodi da su *ponuđači obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom bit će odbačene u skladu sa Zakonom.* Članom 58. stav (1) tačkom g) Zakona o javnim nabavkama propisano je da svaka ponuda obavezno sadrži potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji. Članom 69. stav (4) Uputstva o načinu vršenja uredskog poslovanja u institucijama Bosne i Hercegovine (Službeni glasnik BiH, broj 53/23) propisano je: „*Faksimil se ne može upotrebljavati umjesto svojeručnog potpisa kada je propisano da se takvi akti moraju svojeručno potpisati.*“

Kako se ponuđač nije pridržavao uslova određenih tenderskom dokumentacijom, kojom nije dozvoljeno korištenje faksimila umjesto potpisa ovlaštenog lica, kao ni prethodno navedenih odredbi Zakona o javnim nabavkama, ponuda ponuđača O Media d.o.o. Sarajevo je odbačena shodno odredbi člana 68. stav (4) tačka i) Zakona o javnim nabavkama kojom je propisano da je ugovorni organ dužan odbaciti ponudu u slučaju kada ponuda nije potpuna i ne ispunjava zahtjeve iz tenderske dokumentacije, te odredbi člana 2. stav (1) tačka l) alineja 3) Zakona o javnim nabavkama jer ponuda nije u skladu sa tenderskom dokumentacijom.

Nadalje, Komisija je pristupila analizi i ocjeni preostale ponude, te utvrdila da dostavljena ponuda ponuđača Avaz-roto press d.o.o. Sarajevo ispunjava kvalifikacione i formalno-pravne uslove tražene u tenderskoj dokumentaciji, te da je ponuda u okviru procijenjene vrijednosti. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija za javne nabavke, izvršila provjeru računske ispravnosti ponude ponuđača Avaz-roto press d.o.o. Sarajevo, te konstatovala da u ponudi nije bilo računskih grešaka.

Shodno naprijed navedenom Komisija je, u skladu sa članom 64. stav (1) tačka b) Zakona, izvršila rangiranje prihvatljivih ponuda, i to kako slijedi:

1. Avaz-roto press d.o.o. Sarajevo sa cijenom od 18.602,07 KM bez PDV-a.

Tenderskom dokumentacijom u tački 4.13. predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije



zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija se ne zakazuje.

U skladu sa naprijed navedenim, Komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača Avaz-roto press d.o.o. Sarajevo u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

Prilog: Kopija Zapisnika o pregledu i ocjeni ponuda broj: 851/25 od 08.04.2025. godine.

JP „LOKOM“ d.o.o. Sarajevo

Direktor

Adnan Šabanović

Dostaviti:

1. Avaz-roto press d.o.o. Sarajevo,
2. O Media d.o.o. Sarajevo,
3. Službena stranica Preduzeća,
4. u spis predmetne JN,
5. a/a.